


說部叢書第三集第二編

# 社會聲景錄

林紓 陳家麟 同譯

國文大蒙託爾公司



商務印書館發行

俄國大文豪託爾司泰原著

閩縣林紓

全譯

靜海陳家麟

尼里多福親王重農務

第一章

方尼里多福王年十九時。在大學校第三學期。考事竣後。卽至莊間別業銷夏。迨秋復歸學校。卽以書予姑氏比雷司卡伯爵夫人。王平日待姑氏厚。而姑氏亦和懿多聞。爲女子中之英傑。書作法文。王年雖十九。然其口氣。尙類小兒。書曰。姑母大人鑒。姪此時已決定宗旨。後此營生。已悉定此宗旨之中。今欲去大學校。爲農于野次。蓋自問天質宜農。於仕宦無肖也。大人聞言。萬不可以姪言爲童騃。大人之意。尙兒撫我。決我必不知田。顧姪年雖稚。而好田

之心。日甚一日。萬不能舍此之他。亦無人能挽我犁雲鋤雨之心。姪前此曾上一書。言莊舍中佃夫。漫無紀律。經姪考察。所以紊亂之由。由于佃夫無甌石之儲。故不能不侵蝕主家之物。今欲加以整理。非具容忍耐煩之性。亦不爲功。果大人能親見吾佃人達爾德。及伊梵之苦况。與其家人困頓之狀。則較姪陳書。當尤易曉。田事之不可不理。此莊本有七百佃人。責皆在我。此上帝所託命者也。吾爲之治事。豈有所背于天心。果吾不親往。但以此七百。人付之莊頭。及紀綱之僕。任其蹂躪。吾則坐享其成。貪我目前之富貴。豈非自種罪孽。於無窮。須知姪之舍學。而農爲我一生最澹泊寧靜之事業。復何必苦苦以趣功名。姪今日自知能爲安分樂天之農夫。于是棄學校中博士之文憑。與世爵之告身。如艸芥焉。嗟夫。姑氏萬勿爲我規畫進取之路。姪蓋無意于功名矣。且姪今日所

趨之樂軌。在大人聞之。決以爲異。然無異也。吾心至以爲樂。且自計終身。已井井有條。將照是而行。果天心右我。則農業必且大昌。此書閱後。幸勿示阿兄瓦西亞。兄得書。必且大笑。兄意決不許我所爲。至囑至囑。夫人閱後。亦以法文之書報之曰。吾姪見此。爾所上書。余已披閱數次。爾以澹泊之操。用爲嚮往之路。余安能梗爾之前途。不遂爾志。惟一時所見。以爲佳者。乃不知壞處。卽伏其中。一無所覺。余得書。亦不斥爾愚。惟余意尙有欲伸者。不能不加審察。爾云天質宜農。且欲董率爾之農奴。同趨于幸福。爾則自命爲完善之農夫。意固善也。雖然。天下人一誤。歧趨往往自以爲性之所近。須知爲他人謀。幸福大屬非易。夫以一身爲農奴。表率則非嚴冷執法。萬不爲功。今日視彼顛連。欲手援之。乃知一身已落陷中。後且悔之無及。汝所陳之言。自以爲萬全。將卽此奮身而往。我

老更事多。恃閱歷。不憑理想。竊以爾言爲未善。且童騃之言也。余年已五十。所識學人多。從未聞有少年貴胄如爾者。乃沈淪其一生功名學業。甘心與農奴爲伍。尙以爲是。則眞屬創聞矣。汝平日議論好獨闢蹊徑。不肯附人。以余度之。特偏僻之談。與固陋之見而已。余意則欲爾行熟徑。無取犖确之途。庶幾後日有驅駕康莊之日。且功之成否。固屬不論。然能教人者。始能養人。異日人民受益。豈但此七百之佃人已耶。汝今日見佃人窮窘之狀。惻然而悲。此實無術足挽。亦無理之可言。汝欲救一二人之窮。乃至墮其事業。功名從而拯之。究竟拯無可拯。亦徒墮爾之事業。功名而已。以爾之聰明。且有。好善之心。異日功成。救人之事。正夥。何必拘一隅所見。而萌子子爲義之心。爲爾私計。宜取其大者。遠者。決非力田一節所能盡。爾之生平。爾生平。忠篤樸嗇。吾了了知之。惟書中所

言與事大謬。少年宜有進取之心。苟無是心。卽謂無志。將終身毀矣。爾果不信吾言。則時過境遷。後且悔之無及。余報書非欲與爾爭競。惟爾心良。而語狹。在爾爲智。在余則引以爲愚。今爾欲如何者。聽爾自定。余老矣。萬不能以爾童騃之言爲然。王得書後。躊躇久之。意定。仍自行己事。上書于校長。請退學。乃徑至莊間治田。

## 第二章

尼里多福。既至莊田。則籌所以治田之術。分年月爲程。定期受佃人之稟。愬至于紀綱之僕。及其農夫。一一受令。且每遇禮拜。則四出稽察。貧苦之農奴。時時加以拯卹。而自治會亦允其所爲。每禮拜之晚。衆皆聚議。以拯貧爲首着。如是居莊一年。漸漸知田中利病。一日爲七月之禮拜日。天氣極佳。王飲咖啡後。讀書一章。書名味生拉司忒。遂取一日記本。並鈔票。徐徐出邸而行。邸在田間。亦



極美麗。而王之所居。則在一小精室中。邸外。皆荒園綠艸。高沒人膝。王循小徑。出蒞莊家。王長身玉立。髮秀而目。美白皙。可人。唇赤如硃。望之如好花含苞。欲放者。且態度雄毅。思力亦精。蓋英特之少年也。王行次。農夫成羣。適自教堂而歸。老少婦孺。皆易新服。聽講。講罷歸家。一見王至。則爭鞠躬爲禮。讓道而行。王循莊路。行未遠。忽自日記本中。檢得農奴之名。一爲伊梵赤雷司。求助。觀後。卽徐行至一小屋之外。此伊梵赤雷司之宅。則廬舍已傾。且陷矣。塵土積疊。高與窗齊。窗破無門。尙有一小窗。旣仄且矮。爲亂麻繩所塞。傾斜一小門。外次其旁。似有小屋。其狀尤壞。又次則一倉房。似用以儲稻者。以狀度之。似此三間之屋。本相毗聯。至此瓦落樑亦骨立。門外有井。無闌圍。以亂石。其上有轆轤架。亦垂圯。井旁有水槽。似足飲焉。則三數鳥鴉噪浴。其間老柳。鬚髯葉作頽綠之色。且

此二柳不知栽自何年也。初爲美觀。今則垂爲殘狀。柳下有七歲女童子。坐引一兩歲之小兒。兒爬于地上。其旁有狗往來跳擲。一見王至。卽奔入陋屋之中。作鳴鳴聲。王至門外呼曰。伊梵赤雷司在家乎。女童子聞聲張目。不能答。而二歲之小兒亦張口而呼。少須有老婦人圍破裙倚門外。盼無言。王進問曰。伊梵赤雷司在家乎。老婦人與王鞠躬。顫聲答曰。彼正在家。王曰。姥佳乎。卽入此小門。老婦人以手自承其頷。且行且顧。主人微微搖首。王入門。見糞土積于院中。其上則斷鋤殘鏟。與柴艸交橫。其旁有小屋兩三楹。破車一。鏽犁一。蜂窠一。而蜂已散盡矣。屋頂半坍塌。亦下垂倒。插于糞土之中。而伊梵赤雷司正在此坍塌屋之中。以殘木支其坍塌。伊梵年可五十歲。侏儒也。面顏爲暑日所侵。鬢已垂斑。然精神尙王二目黑藍。參半狀尙聰明。似知足而安分居此敗屋。初無憂戚。



之容。惟瘦極。而筋露。股亦少。曲以外狀觀之。似經辛勤不少矣。以白麻布爲禪汗衫。亦白麻布爲之腰加破帶。懸一小鑰匙。一見王至。卽自屋中與王爲禮。後然尙迴顧破椽。急以物支拄。乃出院中。再鞠躬爲禮。問王起居。王曰。謝爾見存。今日特來觀爾近狀。王旣慈祥。憐憫形于神色。且曰。汝前一次在會議中求助于我。今試陳其所求。伊梵曰。小民求王攸助者。卽此眼前之敗象。旦夕此屋圯矣。今幸所圯之屋。臣所畜之牲口不在其下。苟非仰託上帝之靈。臣家無噍矣。大王試觀此屋。傾圯正不知其何日。臣日夕恐懼。不已。語時以目仰視。其已傾之椽。曰。大王試觀此狀。朽敗無遺。臣家人能托庇其下。耶。今將何處取材以支此屋。王曰。爾需材何用。須知易柱仍不足。以自支。非改造莫可。伊梵不能答。王曰。爾固需材。吾意度之。但得數材。仍不敷用。前此會議之時。胡再不言。伊梵曰。

實告王。欲修此屋。非材不可。然臣農奴也。安能節節向王而索。今大王垂恩眷臣者。王藏糧食之所。有橡木無數。能否少割而賜臣。語至此。向王鞠躬曰。果能得材。則少易數柱。留其未朽者。尙可少支數年。王曰。已朽之木。無用也。今日圯。此則明日且將圯。彼左支右。吾無所用也。以吾思之。不如拆而更蓋之。爲佳。汝意云何。請以告我。此屋更經積雪。能度此嚴冬耶。伊梵曰。此何敢言。王曰。吾但詢爾意。爾試度此屋。今年能不至全圯乎。伊梵曰。以臣度之。今年決壞。王曰。胡不于會議時言之。爾等一言。吾決助爾。伊梵曰。大王隆恩。非所敢望。然臣心但願得四橡木。足以支拄者。臣家當經冬而無恙。今則初無一木之支。王曰。今爾屋全無再留之日矣。伊梵曰。日與臣妻熟計。不如盡圯爲佳。前二日。自屋頂斗折。一椽臣妻適爲所觸。王曰。傷乎。伊梵曰。適中其背。至于哦呻。一夜之久。王曰。

愈乎。伊梵曰：幸得不死。然終荏弱。王卽視伊梵之妻。而妻方微呻。王曰：病乎？妻指其胸曰：此間日痛。每七日尤劇。王驚歎曰：汝旣病久。胡不就醫？吾以金修醫院。卽爲若輩治病。吾不嘗詔示汝輩耶？妻曰：知之。然實無暇。晷就醫于彼間。日往田間歸。視兒女無晷刻之間。可以涉足院中。

### 第三章

王言旣竟。入其屋。四顧其牆。爲爐煤薰黑。四掛懸鵲之衣。其中尙供聖象。無一乾淨之榻。屋之大。不及十四方尺。而屋頂已破。其大如栲栳。尙有垂圯之瓦。且下墜。顧狀危甚。王四顧曰：傷哉！貧也！伊梵之妻卽嗚咽作聲。行近爐次。言曰：將來舉家將咸死。于是間伊梵止之曰：汝勿多言。則笑而向王曰：此屋支不勝支。拄不勝拄。今且奈何？妻曰：今冬想不能更活矣。伊梵曰：果能得小柱易其腐朽。

者又稍易其椽。則此冬或且無恙。此屋固欹斜。苟有所支。亦未必  
卽圯。王聞言。旣憐其貧。又恨不早爲告。且前此曾普示農奴有苦  
必當上達。而伊梵乃不之聞。蠢乃無比。初聞甚慍。已見伊梵。尙無  
怨尤之言。則仁心不期爲之一動。卽曰。爾處此危困。胡不早言語  
時。卽坐于凳上。伊梵以足踩地曰。臣初未敢以此事干王。妻鳴咽  
曰。臣妾職爲農奴。貧困而死。分也。烏敢上瀆大王之聽。伊梵復立  
止之。王曰。爾屋決不可居。余今有術。足以處汝。吾今方蓋石屋于  
空地中。爲新莊。伊梵曰。見之矣。人人咸言工細而屋堅。宜爲倉房。  
決無鼠患。惟近刑獄。非恆常之宇也。王曰。石屋乾而煖。不惟無鼠  
患。且無火患。今已成其一周圍。可二十方尺。爾果欲居。可遷入居。  
之。其租值。俟爾有錢時。授我。爾苟遷新居。卽可折其朽宅一切馬  
牛之圈。豚柵。雞栖。悉遷彼間。尤有空圃。可以藝菜。且三面餘地。均

聽爾樹藝不寧佳乎吾言爾亦樂往否王言出時而伊梵肅然不能答以目注地如石人但曰大王恩施農奴已聞之矣而伊梵之妻則力奔至于王前方欲有言而伊梵卽曰此大王盛意然農夫不能遽遷其家王曰何也伊梵曰此間之窮固已足矣更遷臣家窮且加甚王曰爾試言其故伊梵曰臣一移家則事且逾壞王曰新屋反不如舊乎伊梵曰地爲生地內無青艸若是在是間則地爲屢耕之地土性馴熟宜樹藝臣性之所安也若驟遷新莊則百凡皆無臣不名一錢何往措置須知新地不宜于舊農語時神宇毅然似不能應命者王聞言仍以言導之曰汝言百凡無有汝不能編籬而樹圈耶且水甘土肥奚所不可王言久伊梵不答王怒甚伊梵忽曰王胡不以綱紀往居其間王曰爾言吾所不解以新易舊以完易朽尙不可乎此間陋不可居汝仍嚴守不去良非吾之

所料夫生地可以成熟。後此躬耕以遂吾意。決美于此。間伊梵然不承。且曰。王。之。新。莊。不。能。與。臣。家。較。家。雖。窮。餒。然。門。外。有。泉。便。于。飲。畜。而。澣。衣。尙。有。廣。塲。可。以。晒。穀。柳。多。如。織。新。綠。滿。眼。臣。樂。其。先。疇。安。土。而。重。遷。况。先。父。卒。于。此。間。臣。之。殘。骨。得。依。父。母。而。瘞。中。心。樂。甚。他。無。求。矣。果。大。王。能。少。予。臣。以。支。屋。之。材。臣。受。賜。多。矣。若。遷。居。之。議。臣。死。不。奉。教。語。時。鞠。躬。請。勿。移。巢。以。自。困。王。忽。聞。伊。梵。之。妻。大。哭。已。而。含。淚。跼。於。王。前。曰。天。恩。之。大。王。幸。釋。臣。妾。之。家。臣。妾。亦。不。願。遷。也。臣。妾。夫。婦。年。老。安。能。舍。此。而。去。須。知。臣。妾。之。倚。王。如。父。母。且。如。上。帝。幸。庇。此。身。深。不。願。以。移。家。爲。樂。王。見。狀。卽。引。手。扶。之。而。伊。梵。之。妻。不。就。扶。則。稽。顙。於。地。不。起。王。曰。且。起。爾。夫。婦。旣。不。願。行。吾。亦。弗。強。王。語。時。少。卻。已。而。復。坐。於。是。三。人。無。言。而。伊。梵。妻。仍。拭。淚。不。已。王。憫。二。人。之。愚。而。又。無。計。足。挽。於。是。心。爲。悽。然。卽。



曰。前此會議時。爾既不言。吾亦不知所助之法。吾第一次會議。已明示大衆。謂吾廢其學業。欲蘇爾輩之困窮。且有誓言。必欲踐之。語時至誠。發見於顏面間。欲使愚氓信其非妄。伊梵見狀。遂不敢言。王曰。汝當知吾之力量。不能大遂人之所求。今爾向我索材木。吾已全屬之咨議會。或乞或買。可自向會中言之。汝於今夕之晚。吾一一告之會中人。或議時必爲汝地。吾夙心本欲助汝。今汝既不願移居。餘事可問之諮議會。伊梵曰。謝大王恩愛。但大王賜我材木數株。已足農奴不願向諮議會乞憐也。王曰。必往無疑。伊梵曰。臣萬不能乞憐於彼。

第四章

語至此。王尙欲有言。仍遲遲未行。見此夫妻均以目注火罏。王曰。汝二人飯乎。伊梵聞言。微哂不答。妻歎息曰。大王問吾飯乎。安得。

有飯食乾麵包飲水已耳。今日欲作一菜羹。竟不得菜。特有器瓦  
斯。爲諸兒作湯而已。伊梵曰。今日爲齋戒之日。農夫所食者。但麪  
包及葱。幸託上帝之靈。尙留餘食。可以自支環視諸鄰。尙有不食  
者。臣較之。爲幸多矣。此時覓葱已不可得。前日至老圃密卡處。以  
一化辛欲得一把之葱。亦不可得。臣自耶穌復生之佳節。至不能  
赴教堂。伸杯酒之敬。此爲一生之大憾事。王聞言。知此間農奴窮  
至。不可思議。迴視一身。生於富貴之家。彼此對較。苦樂不侔。乃類  
非刑之慘。卽曰。爾輩胡以窮至於此。伊梵曰。胡能不窮。地磽而糞  
寡。或且得罪上帝。故五穀不生。不惟五穀不佳。至於野無青艸矣。  
農奴者。尙宜爲地主躬耕。卽公田也。試問一身。胡能兼此二役。且  
百無所助。年又將老。欲致吾力而精力已衰。卽臣妻又多病。年生  
一女。養之又不能無糧。蓋疲恭已極。以一身飼七口。想得罪上帝。

故至於此果上帝招吾至於座下則於小人之身實大有造以我之死較爲佳境不類苟生之淪於狗彘伊梵語時其妻則太息似以其夫爲知言伊梵家中有七歲小兒其腹蟠然忽爾推門而入以目視王狀態怖慄則倚伊梵膝下以手執伊梵之袂伊梵撫其頂以語王曰此卽臣之助力者也復言曰臣之助卽在此子之身但未知何日長成臣始資其力想伊梵遇此年力漸衰若天氣晴明尙能勤於田事至於陰風暮雨則萬難禁此苦辛逐年以來精力日退然不能不努而躬耕臣有同伴熱米老夫澄水龍查白雷均年少於臣而又得其子之助可以時作時息若臣者子幼而妻病尙須力作而瞻一家則不能不殫其精力以效驢馬王聞言惻然曰余甚欲拔爾於貧困之中然將用何術以拯爾伊梵曰大王之救臣易也農夫之効忠於主人固屬其職然臣之所望者正恃